



王阮亭先生著

絜菴尾詩

帶經堂



七略書堂

天津  
書齋

吾師新城王先生漁洋正續詩文五十二卷蠶尾  
詩文十卷同人版行已久而顧無刻庚寅秋<sub>哲</sub>  
郵書請命於先生因舉諸刻定本并未刻蠶尾續

詩文三十卷統名之曰帶經堂集<sub>專</sub>及季弟<sub>鳴</sub>

讎校開雕閱卯冬而歲事惜先生於是夏赴道山

遂不及見然新城之全書出而天下之大觀止矣

伏見今之宗仰先生者習於杜詩韓筆之語僉謂

先生之詩少陵氏之詩也先生之文昌黎氏之文

也其稱述頗詳且至予小子復何容置辭而竊更

有進者則以此二者分路揚鑣兼長備美之難抑

帶經堂集序

三十九

必待久而論定求一時翕然誦法傳世而行遠之

尤難也夫少陵盡古今體勢洵集詩之大成乃無

韻之言多不可讀昌黎卓然成一家言起衰八代

然以文為詩之誚或直斥為不工信乎長之不可

得兼美之不可得備又少陵集初雖行於江漢之

南而不為東人所知即李杜優劣斷自微之亦在

元和之世耳史譏昌黎撰順宗實錄敘事拙於取

舍頗為當代所非而其徒亦以無實駁雜之說間

相規諷迄趙宋廬陵之表章而後大顯於人間或

數十年或三百餘年乃翕然有定論皆不可得之

一時者若先生詩甫踰弱冠已為藝林巨公所推服朝而脫稿暮輒流布文稍後出所以傾服而流布者亦如其詩是杜韓之所不能不待者而先生無待杜韓之所不能兼備者而兼備於先生也嗟乎五嶽之峙於天之下也而岱實為之長故曰岱宗四瀆之行于地也雖力敵勢均不能為百川之所歸而必曰朝宗于海先生生屬齊魯間巖巖所瞻洋洋所表扶輿蜿蜒之氣融結於一身又復虛懷善下土壤之不讓細流之不擇以日就其高深其道大其德全其功業弘遠直上以黼黻

聖天子之太平而下以彌綸諸儒之絕學區區詩筆不過技之小而事之餘庸詎足為先生重而固儼若嶽瀆之有宗方且冠羣倫而納衆有雖古昔作者猶將退處於嵩衡恒華江淮河濟之列派別而支分恐不克與先生爭美備於一時也而千秋萬歲槩可豫信矣知言之君子斷不以予小子為阿其所好也夫歛門人程哲序

原序一

萬曆庚戌之歲借余舉南宮者關西文太青新城王季木竟陵鍾伯敬皆雄駿君子掉鞅詞壇太青博而奧季木瞻而肆踔厲風發大放厥詞太青贈季木曰元美吾兼愛空同爾獨師蓋其宗法如此而伯敬以幽閒隱秀之致標致詩歸竄易時人之耳目迄于今榘材諷說簸弄研削莫不援引鍾譚與王季徐袁分茅設蒞而關西新城之集孤行泰齊間江表之士莫有過而問者三子之才力伯仲之間耳而身後之名飛沈迴絕殆亦有幸不幸焉

漁洋詩集錢序

三十五九

一

千秋萬歲古人所以深歎於寂寞也季木歿三十餘年後孫貽上復以詩名鶻起閩人林古度論次其集推季木為先河謂家學門風淵源有自新城之壇墀大振於聲銷灰燼之餘而竟陵之光燄燿矣子蓋為之撫卷太息知文苑之乘除有劫運參錯其間殆亦可以觀天咫也嗟夫詩道淪胥浮偽竝作其大端有二學古而儻者影掠滄溟弇山之贖語尺寸比擬此屈步之蟲尋條失枝者也師心而妄者懲創品彙詩歸之流弊眩運掉舉此牛羊之眼但見方隅者也之二人者其持論區以別矣

不知古學之繇來而勇於自是輕於侮昔則亦同  
歸於狂易而已貽上之詩文繁理富銜華佩實感  
時之作惻愴於杜陵緣情之什纏繇於義山其談  
藝四言曰典曰遠曰諧曰則沿波討源平原之遺  
則也截斷衆流杼山之微言也別裁偽體轉益多  
師草堂之金丹大藥也平心易氣耽思旁評深知  
古學之繇來而於前二人者之為皆能淘汰其癥  
結祓除其嘈囂思深哉小雅之復作也微斯人其  
誰與歸貽上以子為孤竹之老馬過而問道於子  
子遂趣舉其質言以為敘徃子嘗與太青季木論  
文東闕下勸其追遡古學毋沿洄於今學而不知  
返太青喟然謂季木曰虞山之言是也顧我老不  
能用耳今二子墓木已拱聲塵蔑如子八十昏忘  
值貽上代興之日向之鏃礪知己用古學勸勉者  
今得於身親見之豈不有厚幸哉書之以慶子之  
遭也虞山蒙叟錢謙益撰

附古詩一首贈王貽上

風輪持大地擊颺為風謠吹萬肇遠古賡歌暢  
唐姚朱絃汜漢魏麗藻沿六朝有唐盛詞賦貞  
符彙元包百靈聽驅使萬象窮鏤雕千燈咸一

光異曲皆同調彼哉譏者穿穴紛科條初盛  
別中晚畫地成狴牢妙悟掠影響指注闕釐毫  
甕天醯雞覆井月癡後號化為劣詩魔飛精入  
府焦窮老蔽蔀屋不得瞻沈寥正始日以遠詞  
苑雜莠苗獻吉才雄驚學杜餽醜糟仲默俊逸  
人放言訾謝陶考辭競曹噴懷響歸浮漂江河  
久雍決屢滴亦騰蹠么絃取偏張苦調搜啁噍  
烏空而鼠即厥咎為詩詆喪亂亦云膺詩病不  
可瘳叶譬彼膏肓疾傳染非一朝嗚呼杜與韓  
萬古垂斗杓北征南山詩泰華爭峒堯流傳到

漁洋詩集錢序

附詩

三

二五十二

於今不得免傲嘲況乃唐後人嗤點誰能跳窮  
子抵尺璧凍人裂複陶熠燿點須彌可為渠略  
標昌黎笑羣兒少陵訶汝曹嗟我老無力掩耳  
任叫喚王君起東海七葉光漢貂騏驎奮蹴踏  
萬馬暗不驕識字函雅故審樂辨簫韶落紙為  
歌詩絳雲卷青霄自頽骨骼馬創殘臥東郊敢  
云老識路昏忘暫招邀河源出星海東流日滔  
滔誰蹠巨靈掌一手堙崩濤古學喪根幹流俗  
沸塘蝸偽體不別裁何以親風騷珠林既深深  
玉河復迢迢迢迢方當翦榛楛未可榮蘭茗瓦釜正

雷鳴君其信所操勿以獨角麟媿彼萬牛毛伊  
余久歸佛繙經守僧寮棖觸為此詩狂言放調  
刁無乃禪病數放筆自抑搔起挑常明燈懺除  
坐寒宵

原序二

將為珠玉寶石象齒犀角之玩則必從千金之賈  
列五都之市襲以緘滕藉以檐褕其光輝然肆映  
而不可止然丈夫得之為佩具婦孺得之為簪珥  
均不可必焉若夫盈尺之璞處於深山草木之所  
蒙翳蛇虎之所盤旋日月之精蕩於其上雪霜之  
巖結於其下當國家之禎祥鬼神所貢獻屢世而  
一見焉其得之也非和氏弗名其琢之也非工師  
弗成其登之也非郊廟弗陳然而其初塊然無容  
彩色澤也田夫牧豎過之而弗視也以爲甌鬻杵

白曾不如一石之用也是故君子亦志乎遠且大  
者而已矣王貽上先生起家華胄自瑯琊徙新城  
世為名卿顯人年甫二十登進士甲科挾其所為  
詩文數十萬言以知名於海內可謂盛矣今世門  
閥稍高或毛髮斑白博一第及掇拾章句通曉韻  
語號為聞人於先生之數者有一焉其能免於輝  
然肆映而不止者邪噫抑後事於末而未之思也  
先生有是數者而容益下器益濼且出其詩之俊  
逸而中尺度者問於予將無志乎遠者大者以盡  
去其輝然之光乎他日廟堂之上以文章揚一代

之盛者必先生也子無以測其至矣六合李敬撰

漁洋詩集李序

漁洋詩集卷之五

原序三

昔吳季子札聘魯魯人為之歌齊歎曰美哉泱泱  
大國之風表東海者其太公乎而說者又謂齊音  
傲辟而驕志何也予嘗誦齊詩自雞鳴以下凡十  
有一篇皆哀襄時之詩為多詩疏以為哀公政衰  
荒淫怠慢齊人變風始作然則所謂傲辟驕志者  
蓋謂變風也自太公以來四公時之正風不傳久  
矣意者子札其猶及見且聞之與故為咨嗟太息  
其美而思慕太公如此與孔子與子札同時及其  
刪詩而不錄齊之正風獨存雞鳴以下十有一篇

豈孔子所見不逮子札與抑他有所為與子惑之  
舊矣予友王子貽上齊人也工為詩又博雅好古  
習知六藝之文往在京師時數相往還惜乎子不  
能舉此以問貽上以辨正其所惑也貽上之詩緒  
密而思深縱橫馳驟無所不可不蹈襲前人一言  
一字庶幾盡破其所謂敖辟驕志之習以進於正  
風者與使今世復有吳季子札宜何如為貽上咨  
嗟太息其美與抑使貽上得生孔子之世孔子豈  
能盡刪其詩而不錄與然則貽上之所造可知矣  
吳在孔子世為夷齒于於越蠻荆之列故吳越荆

楚之詩皆不入三百篇至魯成公之九年吳始見于傳然猶謂之句吳吳之言句者蓋其土語然也自兩漢吳之賢士大夫文章功業遂卓然爭衡中國訖于今日號為文物之地古今時勢不同類如此也以予之才與學在吳人中為最譾劣者然幸生子札之鄉雖不能為詩而猶能知貽上之詩竊欲自附于子札之美齊風貽上其許我乎貽上之歸也常乞予為序而予不暇以為今者休沐無事因道此以遺貽上且欲貽上為予辨正其所惑焉

長洲汪琬撰

漁洋詩集注序

二

原序四

昔杜牧之答莊充書以為自古文之有序皆後世宗師其人而為之今與足下並生今世而欲序足下未已之文甚為不可予竊以為不然君子病無乎中而致飾於外亦病有乎中而不表見於外者其人之言不足以垂世而行遠與而吾比比焉徇時俗而寵譽之是導佞而貢諛也恥孰甚為其人之言足以垂世而行遠與則雖與吾並時而生方將宗師之不暇而詠歌之而稱述之其可後乎間持此意以相今人海內能言之士不為少矣人自

三十一  
漁洋詩集葉序

一

以為班馬家自以為曹劉一言未出諛音四起考其旨義十不獲一予雖未敢輕非諸口而亦未嘗稍是於心嗚呼豈今人之言果無當於古人者與抑瑰奇桀出之才世固恆有而予偶未之見與予友王貽上弱冠舉進士文章之名遍滿天下不以予為弁鄙一旦出其詩數百篇屬為之序予觀貽上之詩根情苗言華聲實義上泝國風雅頌之遺下極漢魏三唐才人之致蓋有乎中而表見於外者也非無乎中而致飾於外者也其言之足以垂世而行遠如此予雖與貽上並生今世即欲不詠

歌之稱述之豈可得哉世之君子讀賄上之詩而  
奮然以興油然以感磨礪濯厲以祈至于古立言  
之士無輕言著作而為識者之所姍笑斯厚幸也  
已崑山葉方藹撰

漁洋詩集葉序

原序五

昔子輿氏有言曰王者之迹熄而詩亾詩亾然後春秋作子輿所謂詩亾何歟說者曰王室旣東文武道鈇一時懷文善誹之匹士類不能雍容恬雅以悟其君王蓋激烈之義多而變風變雅出焉詩之所以亾也吾以為不然蓋所謂詩亾非作詩者亾而作詩之教先亾也溫柔敦厚則詩之教也關雎葛覃鹿鳴天保諸什無論矣平王以後其民流而多思悲愁儉嗇而不踰乎禮身雖告哀乎豳岐景亳之情未嘗一日離于懷也則猶未嘗一日離

漁洋詩集陳序

三十五

一

乎詩教也板蕩之世乃重傷之矣山崩川竭雷電燿燿配天之業不祀而明堂之位忽諸君子謂此其世可以史而不可以詩夫董狐倚相左丘明諸賢彼其才非遽遜於雨雪之征夫草蟲之戍婦也詠歌而悼歎之亦風人之致也惟是身經喪亂忍視為越人之關弓而政教東濕難託於春人之助相不得已而以編年紀事之體沒其出風入雅之才而詩於是遂亾詩之亾也國家之不幸也貞臣誼士之所不敢出也勝國盛時彬彬乎有雅頌之遺焉五六十年以來先民之比興盡矣幼眇者調

既雜於商角而亢戾者聲直中夫鞞鐸淫哇噍殺  
彈之而不成聲青絲白馬之禍豈侯景任約諸人  
為之乎抑王褒庾信之徒兆之矣亂極必返盍姑  
俟之新城王貽上先生性情柔澹被服典茂其為  
詩歌也溫而能麗嫺雅而多則覽其義者冲融懿  
美如在成周極盛之時焉吾聞君子欲覘世故先  
審土風故太史陳詩公子觀樂矇眊所掌蓋其慎  
之今值 國家改玉之際郊祀燕饗次第舉行飲  
食男女各言其意識者以為風俗淳厚旦夕而致  
而一二士女尚憂家室之未靖閔衣食之不給焉

漁洋詩集陳序

二

二五十五

先生既振興詩教於上而變風變雅之音漸以不  
作讀是集也為我告采風者曰勞苦諸父老天下  
且太平詩其先告我矣宜興陳維崧撰

世之稱詩者衆矣而能自名其家者蓋可指數若夫原本性情囊括今古披朝華而振夕秀以蔚然成一大家殆益寡矣巖滄浪之言曰詩有別才有別趣然非多讀書多窮理則不能極其致蓋自科舉之學興士多槁項黃馘於帖括欲耽吟咏或輒謂與場屋相妨間有少年獲雋則又志得氣滿無肯苦心沈研其中者雖復更倡迭和巨軸長編不過牽率酬應而已所業匪專且久故所就難也先生甲戌生幼負聖童之目年十八為順治辛卯遂舉于鄉乙未成進士年纔二十有三先生既蚤達因得棄帖括弗事一意肆力於詩古文詞上溯三百篇下逮漢魏六朝唐宋元明之製靡不窮其派別而折衷其指歸其大要見於論詩三十六絕句時為

漁洋詩集序

一

三五七十一

今上癸卯先生甫三十居然少年也不可為久而詩學已蔚然成一大家惟其專耳漁洋集始於丙申已前舊作悉屏勿錄去春元日書榜有云得第重逢辛卯歲刪詩斷自丙申年蓋自明其精專斯道者實乙未成進士後也夫以先生之天才撥發好學深思縱使晚而後遇決不為科舉之學所汨

沒其所就亦必應度越一時而先生獨弱冠名成  
優游藝圃得意肆力於詩古文詞讀書愈博窮  
理愈深故不待久而其詩之才詩之趣愈極其致  
以視槁項黃馘於帖括冀苦心沉研其中而不暇  
者洵不可謂非先生之幸也先生前後諸集多屬  
紀年予特論略其緣起以著漁洋刪詩之旨云壬  
辰二月旣望程哲拜書

漁洋詩集序



像

新嘉坡



方已厚所植虛以冥其跡  
納衆深而洪纖不遺冠羣  
言而聚精成浹身著朝衫  
頭戴笠孟縣眉山其標格  
三百丰來無此客

曩庫辰刻 漁洋師精華錄廣陵禹之鼎

圖像宛陵梅庫為贊而信書之距今十二年

師不可作矣茲歛中同門程哲栗刻帶經堂

集成重寫遺像遠傳都道維揚目錄舊贊

瞻企愴懷辛卯臘望候官林佶謹識



帶經堂全集凡七編總九十二卷

漁洋集

詩二十二卷

續詩十六卷

文十四卷

替蝨尾集

詩二卷

續詩十卷

文八卷

續文二十卷

帶經堂全集總目

卷一

丙申詩六十四首

卷二

丙申詩六十八首

卷三

丁酉詩四十一首

卷四

戊戌詩七十四首

卷五

己亥詩五十三首

漁洋詩目錄

卷六

己亥詩六十四首

卷七

庚子詩七十六首

卷八

庚子詩六十八首

卷九

辛丑詩六十一首

卷十

辛丑詩七十八首

卷十一

辛丑詩八十二首

卷十二

辛丑詩八十一首

卷十三

壬寅詩七十六首

卷十四

癸卯詩六十九首

卷十五

甲辰詩七十四首

漁洋詩目錄

二十

二

卷十六

甲辰詩五十七首

卷十七

乙巳詩五十九首

卷十八

乙巳詩四十七首

卷十九

丙午詩二十八首

卷二十

丁未詩五十二首

卷二十一

戊申詩五十九首

卷二十二

己酉詩二十三首

共四首

三九

漁洋詩目錄

三



己酉詩二十三首

卷二十三

庚申詩五十八首

卷二十四

辛未詩五十二首

帶經堂集卷一

歙門人程哲校編

新城王士禎貽上

漁洋詩一 丙申稿

幽州馬客吟歌 五曲

虬鬚鐵襖襠來往城闕東臂上黃鷄子胯底綠螭  
驄

鷄子喜秋風一日三奮飛憎馬走千里脫轡不言  
饑

相逢南山下載檢從兩狼共作幽州語齊醉湖姬  
旁

二方七

漁洋詩卷一

鷓鴣雞持作絃鼉皮持作鼓前行單迪歌後行渾脫  
舞

三月慕容城枝棘齊發花有錢更打馬無錢作交  
賒

企喻歌 四曲

漠北樹葉黃菽子凌天飛前見黃羊奔後見蒼鷗  
追

兩臂谿子弩勝於雙角弓八尺紅叱撥不數睚眦  
龍

驄馬鐵連錢一日窮九邊鶴尾鐵鈇鉞一日窮九

州  
男兒死沙場何用懷百憂飢咽天山草渴飲隴坻  
流

慕容垂歌

三曲

慕容初入鄴已有虎狼志前驅丁零部後面鮮卑  
騎

燕燕尾涎涎飛飛啄塘蒲三原隔五峻緩急當奈  
何

慕容在何許已度涼馬臺飢鷹掣鞵絲一逝不復  
歸

二五四六

漁洋詩卷一

二

對酒

對酒歌慨慷自我屬有生共得睹太平皇帝陛下  
惟樂康官府治丞相無私人諸諫官彈射姦慝咸  
有直聲自中丞刺史良二千石各各有廉名日南  
交趾皆我郡縣蠻夷君長以時稽首殿庭屬國具  
爲令文笥生翠來王京幸太學三老而五更遂賜  
民爵一級存問長老遣都吏循行大酺十日除宮  
刑美人曼壽百室豐盈

白紵詞三首

江南烟水多白鳧羣飛啞啞烟際呼美人窈窕爲

君娛蜀羅吳穀曳華裾修眉星的妍且都明鐙遙  
映丹脣朱清歌錯落大小珠折腰流盼意態殊乍  
進欲退心躊躇芙蓉灼灼迴雙趺仙珮丁丁鳴六  
銖燭殘月暗漏滴壺宛轉為君開繡襦

青春遙夜開華堂綺羅絃管東西廂阿誰公子淮  
南王美人家本邯鄲倡合蟬墮馬耀明妝起舞為  
君陳樂方翠曾參差烟際翔鸞驚龍婉相頡頏西  
城北里各擅塲羅袖文中紛御香明眸善睐含流  
光舞罷雲中孤月涼

若耶溪水勝瀟湘越川佚女春浣香織成白紵冰  
雪光上為舞衣下舞裳大秦珍珠明月璫崑山玉  
撥映金梁齊琴趙瑟聲鏘鏘七擘妙舞紛相當須  
臾璧月沈西方汝南鳴雞啼曉霜我今不樂去日  
長裝回念此摧中腸翡幘翠幄陳高堂請君安坐  
樂未央

送家兄西樵之萊州三首

嚴城霽春雪風暖律將變銀漢漸西沒行子起三  
歎僕夫展車軫檐帷集霜霰宛宛青驪駒逝將遵  
芳甸惆悵東門行繾綣河梁宴楊柳猶未萋芳草  
日當徧揮手從此辭去去背鄉縣

鄉縣亦何爲行行遠別離丈夫營四方遠遊固其  
宜奈何南浦上悵悵令心悲鷗鴻志萬里鷓鴣思  
故枝天馬產蒲梢安能跼轅綏登高望丘原車輪  
一何遲雖彼車輪遲回飈逝難追今朝一樽酒明  
日當天涯

天涯在何許迢迢阻川梁百里不同風況乃天一  
方鬱彼仙人臺麗茲東海疆海波望不極洪濤浩  
縱橫芙蓉連大澤指顧凌霄蒼風雨魚龍游曖眇  
日月光云是秦東門遺跡今蒼茫名勝夙所欽何  
必悲故鄉肥遯理固貞齊物道亦臧駕言從君游

三五廿

漁洋詩卷一

四

三月行裏糧

寄題十一叔長白山居

吾叔誅茅處何如谷口棲簷端明霽壑門外渡清  
溪夜雨滋苔蘚花林引杖藜范公蘭若近只隔數  
峰西

上巳園林送家兄子側之京

漢宮禁烟節洛濱杖屨辰風日始清和雲物亦鮮  
新游豫出西郊言送河梁人浮醴臨澄波藉草吐  
華茵傾耳玩鳴鳥流目睇素鱗緬思溱洧風永懷  
蘭渚春如何遠行子對酒不遑陳京洛盛游冶御

陌接通津士女集樂游萬乘出華林自古雄都會  
妙麗誠足珍聖代崇太學清流歸成均賦詩采泮  
茆惜別盪江蘋暎彼晨風飛能不懷所親努力崇  
明德千里猶比鄰

寄趙子二首

日落揚子江江上丹青樹寒雁下蕪城遙山隱瓜  
步天末懷佳人前期邈烟霧  
一片邗溝水遙連甌社湖永懷千里別言念一春  
徂淮南與江北處處長蘼蕪

寄任同年

漁洋詩卷一

五

陽羨六斑茶蘭陵十千酒古來佳麗區遙當五湖  
口君家罨畫溪花竹使人迷牕內溪流滿雲中烟  
樹齊我家東海澗不識吳中路昨日懷佳人夜夢  
江南渡髣髴渡江船見子滢湖邊飄搖碧雲裏嘯  
傲青峰巔憶昔燕山別楊柳花如雪望遠抱遙悲  
傷離紛暮節邇聞顧丹陽騎驢來帝鄉禁樹啼鶯  
合御河春草芳扶風門下客半在江南北儻遇黃  
公壚裴徊定相憶都城三月時楊柳又如絲應有  
南來使瑤華當見貽

清明後三日鄒平西郭賦詩

雨歇西原上鶯花事事妍青山環縣郭白鳥破溪  
烟墟落明流外園林霽景前永懷蘭渚客行悵莫  
春天

懷孫道宣二首

苦憶蘇門子新詩誰與論林塘連郭塢煙水渡籠  
村粟里應懷古花時久閉門遙知衡宇下連雨獨  
開樽

籠水環如鏡山城近似霞草堂讀書處負郭幾人  
家曲崦迷春竹平田接澗花相思殊未遠百里佇  
瑤華

三首

漁洋詩卷一

六

鳴雁行二首

銀河離離明星爛南雁飛鳴夜將半音如哀絃乍  
零亂空房思妾起長歎瀟湘一歲一旋歸冶郎不  
如春雁飛

洞庭秋水一千里雁行初低復驚起雁門已遠少  
矰矢好共銜蘆育雁子白蘋洲上芙蓉多西風日  
暮吹金波

黃淡思歌

四曲

歸歸黃覃思葛長鶯亂飛上葉鳴啄雄下葉鳴啄

雌

手繰五色絲與郎織作衾三歲色不改郎底知儂  
心

道從于闐來經過玉河流綠玉約郎指紅玉作儂  
疆

儂是珊瑚樹郎似東海波樽桑出弱水顏色常猗  
儻

美女篇

洛濱風日好美女出相望瑤象飾香轂玉軟鳴鏘  
鏘采春蘭阪上弭蓋蘅皋旁龍輔節纖步鶯珠結  
明璫借問女誰氏少小生平陽大姊入後宮次姊

漁洋詩卷一

七

琅琊王小妹雖不貴夫婿直東廂出入冠駿驥天  
子侍中郎檻衣萬錦費驪褭千金裝容華誠自惜  
貴盛寧易詳洛水正微波明瀾一何長川路西南  
永扁舟不可方寄語盛年子顧義慎自防

白馬篇

駿馬生代北少年出幽并結束各光采指顧風雲  
生朝遊屬玉觀夕宿衛承明身逐孤兒隊名隸羽  
林兵行行南山獵意氣何縱橫蒼隼決雲來飛矢  
逆風鳴大澤鸛鵠道深雪狐兔驚迴瞻鶴雀門突  
兀與雲平鞍馬倏來歸勢若浮烟輕昨夜羽書至

貳師出邊庭上馬別妻子鳴鏑追前旌舊隨冠軍  
伍復此河源行朔漠少行人深谷多鼯鼯朝飲沙  
上泉夕戍雲間城左顧疏勒服右盼伊吾清無令  
都護將關外獨聲名

雙燕離

雙燕離春風漂搖幕上危銜羽交脰涕泗垂故雄  
哀鳴別其雌雄仗城南蒿蘆中雌飛延秋門上棲  
城中少年日相見七寶裝翳黃金彈寄語少年莫  
羅燕上者鬼薪下城旦

雜謠三首

漁洋詩卷一

八

野田何啾啾黃雀縱橫飛童男取壯女阿母不敢  
啼

月朏星欲墮老烏啼不休新婦無上襦新婿無樵  
頭

三日房中坐五日堂中趨前行拜里正後行拜舅  
姑

涂中口號

湖邊春岫宛雙眉曉雨陂塘杜若滋西望嬋娟看  
不盡麻姑山店女郎祠  
水經注漳丘城南女郎山  
上有女郎祠左右民祀焉

宿十一叔山齋曉起即事

草堂今夜宿清夢雜諸峰不辨羣溪響遙傳何寺  
鐘春禽喧磻戶涼雨滴杉松猶有前山約煙中好  
曳筇

生生菴僧為恒禪師乞銘

白鳥破山翠宛然開士居溪痕侵佛座樵路逼僧  
廚籬引羣峰入林傳遠澗虛那能石城墓不作道  
衡書

栗溪往柳菴溪路中作

遙望千峰合依然一澗通修林皆窈窕環渚亦玲  
瓏山鳥名難識哀泉聽不窮豈知精舍近猶隔虎

三九二

漁洋詩卷一

九

溪東

柳菴曉起同徐五東癡飲溪中作

清夢失山曉啓牕朝日東諸峰亂蒼翠巖壑光瞳  
矓振衣出危橋晞髮臨清淙旭光射迴泉漾若盤  
螺空曲岸蔭喬木懸磴披幽叢淡淡流白雲習習  
來谷風俯玩羽觴流石罅參差逢素鮪映沙石悠  
然明鏡中遐思永和遊毋乃古今同

自石橋尋黛溪遂至摩訶峰下

日落山氣涼清流自迴轉窮源不知勞漸忘溪路  
遠幽石各奔峭修樹亦婉孌遙睇徑難測迴矚途

屢變寂歷衆山響蕭條晚風善微徑暮樵出懸崖  
歸鳥見須臾夕霏收殘陽四山徧新月忽清揚餘  
霞自舒卷稍覺葛衣輕幸藉孤筇健平生丘壑人  
茲言庶能踐

由榭山入雞山夜自溪路中歸坐無上人山  
場作

西登榭山巔遙望雞山足崇岡帶迴溪竹篠森相  
束斂屨下靈壑振衣陟高麓險逕非術阡幽懷玩  
空曲奇石益妍妙古花發春綠向背無端倪纏緜  
屢迴複日夕空靄集山火自相屬路暝失來蹊巾

漁洋詩卷一

十

裾亂藤竹屐聲鬪石齒鳥路入窮谷風葉恐夕心  
攀林識遙陸遂逢虎溪僧共坐清溪澳夜寂泉更  
響月出山如沐明星錯回巒微雲映溪澗印臺儼  
北望犁箭麗南矚東眺象山峰蒼翠相斷續誓隱  
懷五鳧談禪喻九鹿殘月聞清鐘却就支公宿

犁箭皆

山名

印臺

由柳菴踰西山最高頂至醴泉溪上拜范祠  
清境難久留申旦戒徒御引領睇前峰抗策辭東  
路數武即嘔歎危蹊少安步顧盼見百里雲日媚  
煙樹憑高俯澄湖風帆競孤鶩晴旭移峰巔明晦

變已屢褰衣入空翠溪流渺南注慘疎曠遊眺蒼  
茫失昏曙東山清風來西澗涼雨度澄潭益蕭瑟  
游鱗紛散聚前賢跡已遠山川緬猶故夙昔思古  
人三歎讀書處

醴泉觀先曾祖大司徒公題名

明珩錯落水澄泓石底年年寒玉聲獨有遊人悲  
往事松杉影裏見題名

謁誌公像觀唐碑

碑開元三年乙卯立

早讀神僧傳緬希誌公跡劒水蹤已遙鍾山事成  
昔豈知長白峰留此千年石鳥爪帶銅綠鏡面瑩

漁洋詩卷一

三石亭久

薛碧磨滅開元碑蟲鳥紛難譯披蘿究遺文剝苔  
理殘畫斲簡叢聞見樵牧增歎惜陸銘圮寒冢王  
碑委荒僻廬陵傲珠犀東武比博奕淪棄多名珍  
何憚窮鉤索一勺醴泉水供此風雨夕

神僧傳誌公面瑩徹如鏡

手足皆鳥爪碑有云陸龜製銘于冢內王筠勒碑于寺門皆與傳合

醴泉寺高閣瞻眺有懷范公

風雨湖上來蕭條灑飛閣殷雷起眉際極目窮寥  
廓遙天壓煙水空濛氣磅礴大澤盤蛟龍斜風偃  
鵬鷲却眺鴻濛中日光遠迴錯草木暗四山急淙  
鳴萬壑悵然思古人大雅何時作

藤花山下

麥隴參差碧岸頭  
藤花山下晚風秋  
一時殘雨兼虹盡  
百道清泉入澗流

書堂

絕澗已千仞  
磴道仍九盤  
直上若懸溜  
縵屬勢難安  
右顧踐鹿跡  
左顧憑烏翰  
日落空山中  
蕭然風氣寒  
精舍壁間出  
洞門天際看  
奇石壓巖戶  
孤立何巒岈  
突兀拔澗底  
窈窕凌雲端  
入門渡飛梁  
傍夕聞驚湍  
幽軒宛初構  
几榻皆峰巒  
巒頗意雷雨  
時雲氣生戶  
間諸天  
叢鐘磬星斗  
方闌干  
惆悵此靈

漁洋詩卷一

十二

境畢然懷嬾殘

別柳菴

昔別如零雨  
十年來上方  
依稀認樵路  
惆悵入溪光  
竹杪新盤磴  
門端舊石梁  
那能重別此  
回首白雲鄉

別醴泉

齊梁遺古寺  
踰嶺曉來過  
勝客譚鴛髻  
香臺涌佛螺  
映池殘碣在  
入院亂流多  
更有東林約  
躊躇奈晚何

寺中半身大士大踰尋丈相傳地中涌出

別書堂

搔首書堂石憑凌插半天一痕生鳥路千仞接  
肩夕有吟風葉春多入戶泉西溪才谷口極目已  
蒼煙

新河口阻潮

搖落人煙斷板橋新河東望水蕭蕭相思已阻津  
亭雨又報東風上暮潮

五日龍溪作

龍溪深不測磴道凌虛空萬木插巖脊夏五如凜  
冬清泉浸明玉石竇何玲瓏沙瀨頗疏廣花藥皆  
空濛衆流匯山足羣峰當鏡中煙綠削奇壁一一  
青芙蓉孤閣俯潭西飛梁臨澗東女蘿結暝翠扶  
荔懸幽叢靈溪遞虧蔽欲盡還復通褰裳亂谷雨  
濯足臨寒淙更陟水中嶼未罷雲間筇海嶽茲奇  
想丘壑宜孤蹤即此樂閒逸勿為悲道窮

復雨

花枝濛濛日將暮颭颭涼颭起庭樹雨脚射地晝  
陰晦急溜鳴簷不知數連年左輔嗟大無有蜚多  
糜仍屢書良民重累背鄉縣姦民攻剽成萑苻天  
南干戈未寧息男罷農耕女廢織長沙江中多戰  
船祝融峰頭尚兵革羽書日日下山東秣稭轉輸

動千億苦竹黃楓後晝啼舟子征人少顏色掘冢  
鑄幣既不能展轉呼天猶力穡今年稍稍宜雨暘  
黍稷撲撲稻葉長長官鞭扑那敢避努力公家輸  
酒漿

和窟室畫松歌

孫黃門家園今爲林氏別墅后几上有黃門畫松歌頗極奇偉乃和之

黃門園中有窟室背枕亞祿山臨滄溟石壁磊砢  
一千丈入眼髣髴生精靈橫壁老松誰所作海風  
拏攫山欲傾盛陰五月凜霜雪怒姿萬變盤雷霆  
疑是溟渤含日氣不然天上來星精我來盛夏變  
冬序白晝慘澹生晦冥顛毛亂指舌上橋寒肌起

漁洋詩卷一

十四

粟心骨驚上下蒼茫有神鬼左右騰跳飛颺澁江  
南吳生昔爲此一一下筆皆龍形畢宏韋偃去已  
久妙筆于今誰弟兄吳生作此良已苦徂徠銅鞮  
互變更昔者吳道子畫壁天宮寺將軍劍舞何蔚  
跂興酣筆落氣磅礴萬夫動色嗟神異吳生畫松  
已百載鐵榦霜皮終不改南榮曝背亦吾儔偃蹇  
龍鱗好相待

蠡勺亭觀海

登高丘而望遠海坐見萬里之波濤長天寥廓雲  
景異春陰偃蹇魚龍高怒潮乘風立千丈沐日浴

月紛騰逃羣靈潛結萬蜃氣一痕未沒三山椒須  
吏勢盡潮亦止波淡天清靜如綺菱苔沉綠紛塘  
坳螺蚌搖光散沙汨參差島嶼羅殊域紛如星宿  
秋天裏擊我劒聽君歌有酒不飲當奈何日主祠  
前水蕭瑟仙人掌上雲嵯峨羨門高誓不可見秦  
皇漢武空經過祇今指顧傷懷抱黃腫絳絳盡荒  
草人生快意無幾時明鏡朱顏豈常好吾將避世  
女姑山不然垂釣釣蜉蝣島

有官長安者東癡屬為訪霍小玉舊居戲為

三絕句調之

漁洋詩卷一

十五

十二城門但夕陽霍王舊事斷人腸憑君蔓草尋  
香跡應有人間勝業坊

三尺烏絲事已空舊家門外野棠紅浣紗桂子皆  
零落西市何人問玉工

中酒支離奈病身每吟舊傳一濡巾閣邊記有櫻  
桃樹好映庭柯憶玉人

林副使邀飲郊園

孤榭俯迴溪移船返照西曲波菰葉亂清晝竹林  
啼霞際諸峰出雲中百雉低醉歸騎馬路沙坂淨  
無泥

帶經堂集卷一

十五

漁洋詩卷一

十六

帶經堂集卷二

歙門人程哲校編

新城王士禎貽上

漁洋詩二 丙申稿

蠶詞四首

青青桑葉映迴塘三月紅蠶欲暖房相約明朝南  
陌去背人先祭馬頭娘

戴勝初來水染藍女桑濃葉滿江南誰家少婦青

絲籠知向香閨飲 詩女蠶

玉蛾飛飛金繭酥蠶時幾日閉門樞白葦與儂作

璘藉黃金與儂作踟躕

二五十二  
漁洋詩卷二

鳩鳴屋角桑葉低三眠四眠蠶始齊小姑嬌小好

閒事族蠶學罷學添梯

山蠶詞四首

大司農益都孫公作山蠶說其詞最古雅因廣其意作山蠶詞

清溪榭葉始濛濛樹底春蠶葉菜通曾說蠶叢蜀

道險誰知齊道亦蠶叢

那問蠶奩更火箱春山到處是蠶房榭林正綠榭

園碧閑却倚倚陌上桑

春繭秋絲各自諳一年三熟勝江南柘蠶成後寒

蠶續不道吳王八繭蠶

尺五竿頭絡色絲龍梭玉鐻動妍姿紅閨小女生

來慣中婦流黃定未知

石龜行爲內叔長白山人賦

長白山人何經奇等身萬卷酒百鴨西京古碣手  
自搨汲冢殘書無不窺城霞閣高一千尺牕底青  
山日留客暉標不數思陵藏盒罌盡飽先秦色中  
有石龜最奇絕雷文屈曲蚪螭結鸞迴鵠顧疑鬼  
工坼背皴鱗宛塗鱗左右撲朔短脰蹲古苔猶帶  
僕句痕于闐綠玉琢不就隴西魚龍差等倫紺紫  
絕尼映氈路半尺錦囊寶光聚靈姿未入山陰譜  
妙質定許任城賦山人太息爲予言此物尚識崇  
禎年白頭老璫賣都市飄零不直千銅錢已失復  
得何倉卒神物由來不輕出更乞公家白石琴流  
玩花前破愁疾

石琴亦公家珍物

雨止

碧漢歇微雨美人橫素琴牕前明月影洞口綠蘿  
陰丘壑結遙想茅茨清道心稍聞西澗水寂歷響  
空林

六月廿三夜夜寒是立秋後六日

靜掩交關玉漏殘暗驚秋思起長歎未看旅雁連  
翩起已覺涼蛩即次繁秋士易悲紅樹落美人猶

隔碧雲端行波牋上宮中曲夢裏依稀賦曉寒

夏日同家兄禮吉子側過先伯父侍御公東園

園林風景盡當夏亦蕭蕭太息尋荒徑相將過斷  
橋碧苔迷磴曲蒼鼠竄山椒三歎豐尋樹平泉事  
已遙

來鶴樓觀酌突泉

峰巒疑印渚魚鳥即華林曲閣清暉集方塘積翠  
深伏流生急雪驚瀑起文禽坐覺微風寂朱絃空  
靜音

三九〇

漁洋詩卷二

三

七夕篇

明月舒光秋婉孌絳河遙遙隔清淺相傳天上罷  
龍梭星渚虹橋夜相見此時羅幌已驚秋此夕閨  
人復坐愁銀漢風微聞雁度金鋪夜暗見螢流三  
秋畫閣停刀尺良人遠戍交河北烏鰲書中錦字  
空寒蛩褥底涼風夕江南河北正相思共識今宵  
漏乍遲邗知歡宴成靈匹空見離愁結網絲蛛絲  
宛轉縈千曲能使愁心相斷續乞巧筵空玉露零  
曝衣樓靜金風肅須臾雞唱斗闌干天上依然別  
思難鄰家少婦嬌夫婿猶引金針向月看

夏日侍兩大人遊南園

長夏氣清和鳴鳥響林木時復巾我車駕言越川  
麓曲徑隱茅茨水芟雜修竹歡宴侍二人琴書宛  
家塾是時微雨收高原徧禾菽溪流亂榕葉池聲  
靜幽谷斜景染疏峰煙臯漸微綠屈指當秋成田  
家酒應熟貧賤多好懷素心良已足

述舊寄端士

先朝世宗歲壬戌皇帝策士金華殿婁江文肅公  
第一吾家尚書同名見玉堂青瑣並承恩丞相司  
徒皆近臣右軍藍田絕嫌忌文貞文獻同情親君

家編修吾司馬翱翔亦共承明下吾家方伯君太  
常宦游日日商風雅十年縣邈江南北舊事飄零  
不相識吳江濟水兩悠悠欲寄音書淚橫臆一朝  
入洛烏角巾名動公卿稱上賓范陽著作那須問  
遜抗由來天下聞予時亦入金閨籍珠珂并耀長  
安陌將成四部元徽書競傳七葉雕龍筆日月昭  
昭浸已睨渡江君去我東歸齊瑟吳趨各回首晨  
風零雨常相思我今飯牛甘落魄單衣短布還如  
昨即君猶作折腰人手版西山致非惡哲兄冠蓋  
盛時名小弟滄浪自濯纓往事低徊如見憶楊花

社燕滿江城

彰義門行

白日紛紛距來弩彰義門邊泣徒旅黃封御貢不  
得行競說前途盛豺虎紅氍毹鼠盤青兕衣南塘朝  
出暮旋歸司隸京北那敢問日日孤兒行射飛

養馬行

建旗臂隼號一萬爲馬大小充倍之碧眼駱駝足  
千里此軍云是舟山師濟南城西駐大帥秣稭芟  
芻日三饋三十二縣何苦辛昨朝兵去蝗旋至

周文矩莊子說劍圖

後有董宗伯書  
說劍篇及小跋

漁洋詩卷二

五

三才四

古今人物誰第一晉有衛協吳曹興南唐周生更  
奇雋行筆瘦掣姿峻增此圖在世踰千載墨光黯  
淡生光晶君王隱逸各有態蠶絲煙篆交回縈目  
瞋鬚突五劍容短後之衣曼湖纓二人旁立目左  
顧劍如星日光縱橫昂首右顧者三士二人按鐔  
神欲生一人拔劍作虎步怒如截兕吞長鯨使筆  
如劍劍氣出此公無乃能鐵兵莊生說劍固豪快  
十步千里無留行千年奇論佐奇筆揮毫潑墨皆  
飛鳴雲間墨妙更邁絕鍾王腕底紛鬪爭自云昔  
見吳興書說劍恨不作圖雙妙并今逢此卷信神

物又恨作書非趙卿徘徊三歎出金石煥然妙蹟  
如神明我聞周生妙得後主作字法秋湖謝女風  
格清秦淮花月汴京土感此傷人今古情

宣和御藏  
文矩有秋

湖故實謝女  
寫真等圖

七月廿七夜雨聞牀下蟋蟀

夏閏涼偏早秋初氣已深西堂聞落葉又聽暮蛩  
吟和雨侵燈暗餘哀入壁沉流黃機上婦爲爾罷  
寒砧

月河

盡染漣漪色真疑鄂杜旁雜花樓洞蘚修竹引山

二九七五

漁洋詩卷二

六

光久雨溪塘合新秋水木涼何當高卧此一夕賦  
瀟湘

阮亭秋齋有懷西山寄徐五

孤亭新霽後藤竹夜涼生忽憶西峰寺曾經采藥  
行夕陽雲木秀秋雨石泉清不見煙霞侶相思空  
復情

送萬開來副使之江寧四首

見說青溪埭年年風物幽竹陂江令宅花榭子荆  
樓文物思東晉煙波入暮秋此中行樂地王謝最

名流

南部煙花色依然見廢興過江餘石闕遺事感金陵  
馳道春調馬芳林曉按鷹治亭風景日覽古共誰登

野王邀笛步安石聽箏堂感慨當年盡風流異代  
長使君多妙思吟眺足清光緬邈懷千古斯人不可忘

遙評西洲使梅花定有無雲帆過楚甸彩筆賦吳  
都海岳留心想江天入畫圖明年楊柳色先憶白  
門烏

八月十五夜對月讀太白郎官湖詩浩然有

漁洋詩卷二

七

懷

皎然明月光照我松間廬秋天無片雲長空涵清  
虛對此懷古人欣慨不能無我思李太白放懷何  
清疎涼夜臨洞庭沔水環城隅流光渺千里四顧  
高興舒遂灑學士筆題白郎官湖風景非人間賓  
客皆吾徒斯人今已矣名與湖山俱明月自終古  
湖光亦相如風流一銷歇遂令江漢孤我念沔上  
會公懷武昌都同此秋天月俛仰忽須臾今夜夢  
大別咫尺仙人裾不然牛渚舫高咏同清娛

南唐宮詞八首

講武銅駝始代吳廣陵宮觀接西都殿中并進龜  
茲樂江表新傳入貢圖

內苑年年試棟芽灩湖陽羨味無加後宮近日添  
新貢別尚松溪滴乳茶

細雪霏霏落院門金鋪鴛鴦早黃昏宮中玉女隨  
君側搏得春冰帶爪痕

曾邀醉舞媚君王鬢朶珠翹別樣妝紅燭當筵新  
破就更將金屑譜霓裳

簞錦鸞綾萬卷殊澄心堂裏皂羅廚保儀玉貌空  
傾國妙選深宮但掌書

三九十一

源洋詩卷二

八

御溝桃葉水潺潺姊妹承恩并玉顏花底自成金  
葉格宮中齊唱念家山

花下投籤漏滴壺秦淮宮殿浸虛無從茲明月無  
顏色御閣新懸照夜珠

重午龍舟歲歲陳輕鳧飛燕各如雲瓦官閣下黃  
花漲別有凌波水上軍

許山道中

澤國晨涼宿雨餘秋聲四起客懷孤寒山歷歷聞  
秋鴈遠水蕭蕭響斷蒲

秋日漫興四首

露下秋高蕙草摧楚人搖落感恢台猿啼白帝江  
聲合雁入蒼梧木葉哀海氣不分韓信壩朔風如  
近李陵臺清商慷慨燕歌發潦倒吾廬濁酒杯  
秋來日日報烽煙楚塞風高羽檄傳飛曠衆軍全  
出甲熊湘千里盡開邊中原烏鼠多空壘江介鷄  
鷁少鬪船戰士只愁輸輓竭大農早計水衡錢  
之萊形勢至今存潮打秦皇舊石罇士馬防邊猶  
越舊樓船飛渡已津門關城貂錦秋風暖海嶠魚  
龍白日昏左輔祇今憂不細島田十萬恐成屯

千年東冶襟喉地蚤戶猿人指顧間但有戈船橫

三九廿

漁洋詩卷二

九

荔浦豈無精甲阻黎關鑿穴未見張騫入賜印虛  
傳陸賈還桂蠹文犀他日事幾時庭實慰天顏

聞雁

縹緲涼天數鴈鳴幾家砧杵起秋聲懷人江上楓  
初落臥病空堂雨易成尺素經時常北望暮雲無  
際且南征沅湘一帶多兵甲莫動高樓少婦情

山頭店

人煙曉日明山麓霽雨晨流過水鄉略似小齋晴  
雪夜鵝溪三尺辨倪黃

贈別柳三公廩

彥緒清談居第二曾虔正書無第三兩家德素自  
如此側溯流風爾不慙  
送我何如征□亭敬沖風味自沈冥更須多致吳  
興酒詹事年來不願醒

有憶效韋莊體寄家兄

當年曾記鳳城頭比舍相過盡雅遊道政里中人  
似璧善和坊北月如鉤閒邀師子尋新曲醉遣獨  
兒亂酒籌今日思君一彈指坐驚花事到黔陬  
寄趙潤州赤霞兼懷令兄琨石

四座杯傳□□壺十重花映錦流蘇常思舊會山

漁洋詩卷二

十

劉少轉憶新文庾謝無徵曲人曾呼碧玉聞歌亭  
亦字真珠因君却夢江南岸近道中郎在五湖

見鴿鬪

豈有乘軒貴猶煩芥羽勞羈棲非異族角鬪故相  
高海鶴青冥伴秋鷹玉雪毛低眉應笑爾得失競  
鞞鞞

傳聞

笳吹連甌粵傳聞未罷師軍書工蚡脚民力盡鳧  
此都護徵兵日司農計餉時十年餘父老辛苦對  
旌旗

讀西樵九青遊詩因懷開來

振衣昔上寒同頂雲海春晴見大鷗已厭幸臺觀  
漢篆還登寶案俯秦樽蒼藤白袷清溪路竹葉萍  
花老寺門最憶同遊陶謝手永嘉南去萬峰昏

唐子畏羲皇上人放鵬圖

當年曾咏放鵬詩蕭然意與羲皇期六如縑素寫  
生筆五柳先生真在茲石路無人泉斷絕空山蒼  
蒼見明月鵬飛漸遠看漸微青天一點餘殘雪

冬日睡起思以新春踐吳中故人之約戲成

八尺湘藤晝生縠翡翠翎橫斫山麓碾茶汲雪清

三五七

漁洋詩卷二

十一

夢回定州花瓷過寒玉江南溪山諾已宿入夢時  
時感幽獨春風花鳥落帆亭好著蜻蛉破江綠

南山詩

南山何幽幽白石何齒齒其上興煙雲其下流礪  
水吾廬未寥廓頗枕南山趾潭水綠冬春澄渟潮  
牕几散髮弄溪毛小汀足蘋芷山廚富薑蕘儋甑  
餘秬秠縱未賦閒居聊復遠城市不知風塵中奴  
價曾倍婢

冬日偶然作八首

北風三日雪陽溪成堅水衆泉亦不流雪竇紛微

明澗道晝寂歷亭午無樵聲向日開南牕散書臨  
前楹飢鳥啄堦粒馴人不復驚靜坐巖戶間紛紜  
觀物情觀物即觀我忘機自沉冥

舊買捲角牯近買千金牻毛角雖不同頗復能俊  
快夜縮齒霜草晨膝臥煙稗寢訛就風日消搖謝  
瘁疥聊此冬日閒忘彼三時憊蚩蚩千里駁瑩蹄  
可爲戒

牀側置蠟屐船尾挂苓箬山水興不殊偶復愛閒  
靜支牕竹間雪注湯禁中餅寒溜倚團蒲清如閣  
門井凍禽墮復起蒼山遠彌靚吐墨作顛書橫結

蒲桃梗

漁洋詩卷二

十二

典午下蠶室坎壤誰見知發憤傳貨殖千古同悲  
噫郭縱出鑄冶翁伯起販脂灑削旣鼎食胃脯亦  
連騎志士守蓬蘿不如交馬醫索帶披敝裘不如  
規魚陂

阿瞞有才子懷抱羅春雲飛翰一絕跡超然離垢  
氛展巧試作劇邯鄲歎天人傅粉復袒拍擊劒如  
有神湖舞五椎鍛逸氣凌衆賓馳突窮古今妙義  
縱橫陳劉楨賦公讌王粲歌從軍奴輩苟容媚呶

訾安足論

我愛灌仲孺意氣薄雲天長嘯入吳軍指顧堅壁  
穿長戟鬱龍蟠怒騎如風旋聲名冠諸侯皆曰大  
夫賢魏其勢旣落田氏寵益專朝請考工地夕奪  
城南田丞相故賓客顧盼忽屢遷笑罵頤四筵殊  
不直一錢當時膝席子岌岌皆危冠

吾家有方平雅志託林壑拂衣早歸耕貂裘行采  
藥卜築沃川野垂釣上虞郭邈矣孔阮儔遐哉箕  
穎樂琅琊多龍鸞羨茲此雲中鶴

歲去弦吐箭憂來絲抽綸行吟東野詞憔悴傷我  
神哲兄念此別悠悠歷冬春幸臺表東秦三山在  
南鄰寂寞水仙操感激遠遊吟不有黃金徽含意  
何由申徘徊欲終曲三歎及蕭辰

冬日謝送菊

南圃梅猶澀東籬花已闌珍君素心贈仍作暮秋  
看香映凍泉結開當晴雪寒何知搖落日解佩楚  
人餐

雪後眺望

曉日上寒洲行人東渡頭諸峰照晴雪山樹夾清  
流淡碧參差沒空青遠近收何當黃鶴手潑墨記

同游

無題戲倣溫李體

半發花名菖新舒葉字荷明珠貽宓浦短楫渡江  
波百媚中央曲雙聲子夜歌洞房交玉翦團扇拂  
金鵝簫局晨香滿桃笙午夢多但須憐爾汝豈解  
問阿邠宮餅珍龍腦閨房號鳳窠佳人元北里才  
子本東阿參佐橋邊陸雕陰幕下羅大功坊底住  
宣德里中過問佩皆蘭芷含嬌自苧蘿桂華零曉  
甃桃葉覆春柯臥聽銅鸞澀慵將細馬馱愁妝雲  
作鬢巧笑玉為瑤門外千金埒場中七寶匣茱萸  
花墜枕翡翠羽裝犧結帶同雙縷衣絲共五紵明

漁洋詩卷二

十四

將月裁壁寒釀雪成珂得住為佳耳將離且奈何  
甘蕉重綠結楊柳嫩黃搓塵尾難消黠蛾眉漸減  
螺女郎空楚畹寡婦發庭莎湖燕將尋社吳蠶欲  
作蛾蠟蝓巢桂網蟋蟀罷瓊梭白獺搜新髓烏龍  
伴舊疴刻絲圖大士耽病奉維摩豈識江南路春  
潮正坦迤

代贈戲倣元白體

憶在垂髫日名先姊妹行才皆比荀憲人獨過袁  
光共折珊瑚樹同居瑤瑁房鏡臺初画黛曲巷始  
乘羊麗玉年猶少瓊華齒最芳風流嗟昔昔歲月

去堂堂紅豆空垂實青梅憶遶牀兩心如半字千  
媚各中央水似雙流闊山如九疊長那能知謝韞  
便許嫁文鴛病倦消眉綠愁多減額黃夢迴金雁  
驛書斷碧雞坊扇侶辭丹鵲琴心別鳳凰鬢煙消  
汜水屏翠掩瀟湘自製離鸞曲慵過射雉場空聞  
迷下蔡何計見稠桑櫻筍風光早梧桐池館涼一  
生拚決絕十載復相望暫避還含笑微嗔欲斲腸  
經時思玉蕊今日遇唐昌烏析相思羽霞留如意  
創似添新婉婉未減舊清揚盧女姿元媚素生態  
尚狂室遙人暫邇別遠語難詳送目還留語將愁

漁洋詩卷二

十五

亦號妝微辭邀宋玉作意惱陳王私欲同蘭畹何  
由結蕙纒畫樓金屈戍寶髻玉郎當越燕雕釵股  
吳綿漬薄裳青山對疏箔殘雪響迴廊洛浦神難  
合文園病益傷空餘紅淚滴愁思問橫塘

寄榮大洞門青州

楚江黃橘金不如吳山楊梅如貫珠青州五月來  
禽熟光福龍洲甘作奴

夜行澚山道中口號二首

遠浦堅冰後蒼山微月初茆茨寒不啓慘澹語鶉

鷓

南望醴泉山范公棲隱處積雪滿西溪何人夜來  
去

謝送梅戲集涪翁句成一絕

醉頭夜雨排簷滴誰與愁眉唱一杯瘦盡腰圍怯  
風景城南名士遣春來

帶經堂集卷二

漁洋詩卷二

十六

帶經堂集卷三

歙門人程哲校編

新城王士禎貼上

漁洋詩三

丁酉稿

送陳生由金陵歸平湖

羣鶯交春向暮淮北江南草如霧送君遙指秣陵城已夢新亭亂花絮新亭此去少年遊故里何時江上舟秋雁定過西水驛音書誰寄弄珠樓

寄張獻彤鄴中

聞君憔悴魏王城地是黃初歲月更應阮不來風景盡山川如舊水蕪平池空鄴苑花猶落春到銅臺草又生此地由來易憑弔試磨殘瓦待題名

漁洋詩卷三

一

繡江道中

岸轉曲流清楊花春晝晴千峰螺黛合十里水禽鳴宿雨新滋麥春渠遠抱城遂初如有賦此地足躬耕

春不雨

西亭石竹新作芽游絲已罨櫻桃花鳴鳩乳燕春欲晚杖藜時復經田家田家父老向我說穀雨久過三月節春田龜坼苗不滋猶賴立春三日雪我聞此語重歎息瘠土年年事耕織暮聞窮巷叱牛

歸曉見公家催賦入去年暘雨幸無愆稍稍三農  
獲晏食春來穀賤復傷農不見飢烏啄遺粒即今  
土亢不可耕布穀飛飛朝暮鳴春苧作飯藜作羹  
吁嗟荆益方用兵

將遊柿巖寄繩東仲孺東癡諸君

李白羅敷潭謝客綠嶂山風流映千古逸韻留人  
間生不及古人鄙志一丘壑招隱已棲遲勝遊復  
零落我思青谿水復思新安江五泄連赤城千里  
雲錦張昨得婁江書又見武林使望裏冷泉亭夢  
中靈巖寺清淮入揚子江潮日悠悠負士艱遠遊  
何以謀扁舟向見柿巖圖乃知柿巖妙几席漱飛  
泉亭榭冠雲杪寒溪盡紫竹山墅多青梅側聞夾  
谷會此地餘高臺不知百年間當著幾兩屐作書  
報諸公春山正蒼翠

般水道中有懷

瀧水涓涓入望清筍輿破曉背增城參差小市櫻  
桃熟罽屨橫塘柳稻生石溜聲中通騎過青山影  
裏見人耕客懷忽憶黎江路荔子紅犀炙眼明

張忠定公長羨莊別業三首

即壽注  
魚子水

選勝來幽墅探奇問水經月河千曲瀨魚子一拳

亭竹翠當杯合山嵐入座青麥風長夏裏秋氣已

冥冥

園有亭名魚子

幾曲通袁水沿洄直到門偶來石鏡裏獨坐聽潺  
湲返照莓苔冷微風竹樹翻清音遲眺聽山水欲  
忘言

白兔仙人在為園枕綠汀彈琴猶竹裏修禊即蘭  
亭水石今蕭瑟芟菰漸渺冥重來問遺蹟煙鳥閉

林垆

忠定公別號白兔綠人園有公秋禊詩

葯圃二首

高閣望雲峰危欄俯煙浦支謝盡名流蕭然問漁

三石少室

父

右岸上舟

漁洋詩卷三

三

環眺已皆山天水復清曠微雨山中來晚涼生水  
上右曠哉亭

蠶租行

丁酉夏有民家養蠶蠶質衣釧鬻桑而催租急遂縊死其夫歸見之亦縊王子感焉作是詩也

陽春三月時蠶子何蠕蠕三日出匭中五日徧蘆

篠

解一

東鄰有少婦養蠶方一塢夜夜伴蠶眠桑葉

恐不周

解二

朝出南陌頭猗猗望桑柔亦不見桑柔

榘子醉鴉鳩

解三

歸來見蠶飢徘徊當奈何脫我耳

邊釵鬻我嫁時襦

解四

阿夫持襦去里正持符來漢

中索軍租不得還顧私

解五

里正且上坐黽勉具晨

炊但緩一月餘蠶成賣新絲六解新絲亦難賣新穀

亦難收不見馬上郎雉尾紅錦裘七解再拜謝里正

丈人且旋歸鬻我嫁時襦脫我耳邊釵八解蠶應黑

瘦盡軍租持底當痛哭視孤兒畢命朱絲繩九解阿

夫還入門不復見故妻生既為同衾死當攜手歸

十解

### 寄萬開來永嘉

昔有謫仙人清風照寥廓文采映江表翱翔出東  
洛遂渡永嘉來言尋謝康樂康樂不復有但存謝  
公巖赤霞自照耀綠水猶潺湲放懷山水外跂脚

### 漁洋詩卷三

四

天地間開元儻千載斯人杳難攀萬公具仙骨妙  
筆餘清妍昔者東萊城岸幘吟三山至今海上鷗  
猶思使君賢傳聞去金陵秋江正清澄過江富文  
流盡識使君名牙樯朱絲綵鹿子趁風汐送君石  
頭城去作永嘉客永嘉何菁蔥疊嶂入晴空龍湫  
落千丈海日亂蒼紅雁蕩七十曲曲曲盡瓊瓏容  
喬玉甌雲搖曳吹臺峰齋閣倚青壁秋香金桂叢  
風物固洵美定復思謝李把酒問前賢主賓更相  
似吾家陸士衡公門稱國士玩世誠疎狂高義託  
君子自公南渡後結韞風邈矣長謠寫心胸淚寄

東甌水

六月晦日見堦桐落一葉感成二首

憶昨雙桐樹爲花覆筆牀  
山牕拂晨露坐席逐陰涼  
涼搖落今何日蕭條感未央  
梧桐宮千古思怊悵爲吳王

十日孤城雨秋思劇可憐  
庾郎愁寂寞騎省賦哀  
妍雁子寒將度江波曉  
欲煙金城即回首清淚灑  
年年

寄懷孫仲孺

憶爾掩關處籠濱閒女蘿  
鹿場秋色暮魚留雨聲

二五十四

漁洋詩卷三

五

多西墅山皆好南樓興若何  
隔年殘雪別不見尺書過

寄李仲嘿京兆武林

第四橋頭裊柳絲扁舟常醉水  
仙祠鐵厓去後風流絕  
誰向西湖唱竹枝

入秋漫賦

生來五嶽有佳興輕舉無期思  
遠遊皂莢樹間方坐夏  
紅蘭澤畔忽悲秋  
龍洲不在龍川沒  
羊肚騎尉羊頭侯  
會飲沆瀣攬八極  
安能躑躅甘愁憂

和家兄蠡勺亭觀海三首

春浪護魚龍驚濤與漢通石華秋散雪海扇夜乘  
風徐市荒唐後秦臺滅沒中樽桑試晞髮朝日萬  
山紅

歸墟吞吐處終古混虛無日月光何極乾坤氣盡  
孤樊桐天帝宅扶木羽人都搔首窮寥廓青天但  
一隅

吾廬臨少海及此更空蒼飛觀圖雲氣靈槎著日  
旁十洲真浩渺六博足翱翔乘驕何年去重來覽  
下方

秋日遊華不注明湖趵突泉諸名勝閒暇有

漁洋詩卷三

六

賦仍用清波收潦日華林鳴籟初爲韻十  
首

華注削寒碧日入風景清倒影散平楚翠色連州  
城花萼跗明水虎牙刺空青安得白鹿翁從彼昇  
天行

素舸映西景悠悠泝遙波清吹靡涼袂眠鷗點殘  
荷玉笛起四隅遙應銅斗歌鑿落在君手莫惜朱  
顏配

名泉七十二齊都知早秋潺湲虎落間高下穿清  
流柳絮落不已龍居吟未收此時五花簞高臥會

波樓

柳絮龍居  
皆泉名

層臺蔭華池蕭晨展遊眺明玉何亭亭水泉復瀟  
照岱陰多伏流灤源更清峭誰能結漁菴坐學桐  
廬釣

廣澤散荷風疏峰半雲日卷幔千鳧間泠然泛瑤  
瑟北渚但殘亭杜李空文筆永嘯一長吟仰止私  
願畢

西望亦有惜東望亦有華兩峰鬪蛾眉明湖如絳  
紗司徒泣楓影滄溟悲稗花李駒與邊習千載令  
人嗟

習字仲學華泉  
子能詩有父風

漁洋詩卷三

七

三十一  
七橋夾明鏡花事接芳林日日攜漁罟朝朝弄渚  
禽焚香續曾鞞鼓案語桑欽十載滄洲夢茲遊豈  
滯淫

嗚咽離宮水秋來長杜蘅玉階曾駐輦香閣罷調  
笙丹檻臙脂浣清池翡翠鳴忘憂館中柳葉葉可  
憐生

單椒何翠葢凝望疑點黛長嘯訪赤松景颿激天  
籟碧湖涸已久青山尚如繪金粟古如來音塵復  
何在

太白華不注詩瀟灑古仙人了  
知是赤松離山湖爲劉豫所塞

名士軒中卧水西亭外漁菰蘆風日好枕簟復觀

書壁上水田服人間開士居鈎簾一西笑眉際落

金輿

名士軒水西亭皆在明湖  
有子瞻子由于固題詩

秋暮與家兄禮吉子側小飲有懷

蕭瑟秋爲氣凋蕭始欲愁酒人方落魄名士半離  
憂桂樹猶招隱雲旗未遠遊吾曹如野鶴偃蹇待  
浮丘

秋柳詩四首 有序

昔江南王子感落葉以興悲金城司馬攀  
長條而隕涕僕本恨人性多感慨寄情楊

柳同小雅之僕夫致託悲秋望湘臯之遠

漁洋詩卷三

八

者偶成四什以示同人爲我和之丁酉秋

日北渚亭書

秋來何處最消魂殘照西風白下門他日差池春  
燕影祇今憔悴晚煙痕愁生陌上黃驄曲夢遠江  
南烏夜村莫聽臨風三弄笛玉關哀怨總難論

娟娟涼露欲爲霜萬縷千條拂玉塘浦裏青荷中  
婦鏡江干黃竹女兒箱空憐板渚隋堤水不見琅  
琊大道王若過洛陽風景地含情重問永豐坊

東風作絮糝春衣太息蕭條景物非扶荔宮中花  
事盡靈和殿裏昔人稀相逢南雁皆愁侶好語西

烏莫夜飛往日風流問枚叔梁園回首素心違  
桃根桃葉鎮相憐眺盡平蕪欲化煙秋色向人猶  
旖旎春閨曾與致纏綿新愁帝子悲今日舊事公  
孫憶往年記否青門珠絡鼓松枝相映夕陽邊

孔雀尾

南園看  
菊分賦

采得炎洲翠翩翩照素襟未登嵇氏狀却號孔家  
禽斜日明金碧流波映淺深羽毛終自惜霜露忍  
相尋

夢得鄒大訐士書

夢裏蘭陵信加餐慰遠愁明燈張尺素離緒感三  
秋何處江南岸蘋花水正稠覺來聞夜雨殘雁過  
南樓

漁洋詩卷三

九

九日感懷寄西樵先生

木葉紛紛下急湍重陽風物易闌珊高秋過雁傷  
心色零雨層城薄暮寒晚序關河淹客久天涯兄  
弟尺書難繁霜搖落蘭芳歇自向哀蛩誦九歎

遙和巖顥亭施愚山秋日登華不注之作

齊煙九點散清秋花萼孤明萬仞浮絕澗但連行  
父壘平湖不見謫仙舟戰艦汎鵲俱陳跡白苧青  
藤復勝流高咏豈殊陶謝手少文潦倒媿同遊

雪中送隴西兄登岱

山秘玄冬御道開  
玉函金簡尚昭回  
漢儀四觀皆陳跡  
秦篆千秋半劫灰  
氣散鴻濛連霍華  
雪明雲海壓徂徠  
天門直上窺齊魯  
封禪推君未易才

寄張泰安

白苧聞江左青方首  
秩宗攜來吳練影  
遙欲挂秦松日觀  
翔孤鶴天門憶六龍  
漢儀推應劭早晚紀東封

帶經堂集卷四

歙門人程哲校編

新城王士禎貽上

漁洋集四

戊戌稿

懷古詩三篇

有序

懷古思古人也生不同時曠世相感千里而外百代之下猶同一室矧生其里聞者乎詩曰維桑與梓必恭敬止予爲是詩猶雅人恭敬之意也

魯仲連陂

七雄既龍鬪陳寶歸嬴秦師出函谷關六國咸遂

二九十九

漁洋詩卷四

巡邯鄲日夜急咄嗟誰解紛蕩陰師既頓新衍謀豈倫先生畫奇策長揖平原君僕妾愧萬乘大義明君臣縱橫數千言願却虎狼軍功成不受賞飄然歸海垠蹈海既高義肆志寧辱身至今齊趙士個儻希清塵我來古陂上遺祠蔓荒榛甃道竄蒼鼠天風吹白蘋緬懷田巴語景行跂千春

顏觸墓

齊國人

末世寡尚志薄俗希乘軒豈不貴纁帛形役神不全吾高顏夫子抗節藐齊宣鐘虞寧足論殿上呼王前晚食與安步詎以榮利遷監門良自賤趨士

理亦賢俛仰二千載弔古悲荒阡墟墓絕樵採清  
風激頽頑古道邈難作悲哉東逝川

### 轅固里

漢初尚黃老儒術聞不章齊魯誕諸儒五經如載  
陽遐哉清河傅卓為羣倫倡抵掌論湯武大義非  
荒唐曲學誠孫弘微言詒后蒼訓詞列學官星日  
同琅琅我生睽千載桑梓寧異鄉寤寐思哲人流  
風一何長生慚齊魯學私淑附師匡

### 廣川作

廣川二月塵十丈枯柳無枝晚相向戍旗落照翻

三万世

### 漁洋詩卷四

二

荒墩白草黃蘆疑塞上董公祠廟斷煙沉空郊日  
暮愁人心玉杯舊墅應難問一為停車咏竹林

### 送張子歸松江時子將赴京師

一作雍門吟慷慨不能止我之塞北君江南風煙  
相望三千里江山遼落淚霑衣玉罽當筵歌式微  
春江花月行應晚驛路垂楊鶯未稀五茸城外君  
家路九峰三泖紛無數作客常思薛澱蓴還鄉喜  
辨雲間樹綠潭瓊草正紛紛對此沉吟空憶君上  
林迴鴈書傳否日暮江東空碧雲

丁景呂以梅淵公畫扇索書戲為長句

丁生與我別來久三載重攀薊門柳短衣尚帶廬  
山雲宿醒未解麻姑酒待詔公車不得意西山臥  
對空搔首讀史但看李廣傳贈行欲指吳興口蘭  
陵鄒子吾故人醉後常言梅季真迢遞琴溪二千  
里芳蘭欲采紛難紉松茅小簔煙雲織云是鹿裘  
新筆墨涇川梅湖猶眼前春穀青谿望何極丁生  
問我別來詩日向春風倒接羅水西風景洪崖瀑  
目斷南天空爾思

贈汪大茗文

玉泉山下花欲飛潭柘菴邊鶯亂啼故人三年復

漁洋詩卷四

三

相見贈我懷中瓊樹枝回首春風與君別官楊馳  
道千絲結石湖煙水幾春秋胥臺雲樹遙明滅我  
來待詔留公車給札無才空上書巷僻居然斷車  
馬夢回終是憶田廬愛君意氣兼風格古道依依  
照顏色酒酣上下二千載何劉沈謝俱前席白藤  
作笈古錦囊文成數萬交輝光與君把臂媿同調  
山木之枝君莫忘君今詞賦滿當時我亦浮沉倒  
接羅但成騎省閒居賦好遣天涯倦客知

沈韓倬秦留仙過訪鄒訐士汪茗文李屺瞻

亦至留飲論詩作

陋巷不容轍竹樹夏蒙密閉門清晝間逍遙養微  
疾寂歷聞幽禽參差散書帙何知金門步稅軒枉  
蓬華高談愜清讌坦懷忘巾櫛諸公廊廟珍粲粲  
璠璣質陳詩薄雅頌吐詞中琴瑟心賞欲忘言意  
得難具述三江納湖海二華亂雲日風流南國彥  
跌宕西京匹五君幸同時半畝欣接膝僕本丘壑  
人棲遲樂衡泌束髮攻詞章老大昧阡術枝託瓊  
瑤林臭同蘭蕙室明抱天雲心還山拾橡栗

贈程五周量

我聞羅浮三千六百丈峰巒拔起朱明天黃援白

三才子

漁洋詩卷四

四

鶴去不返麻姑遺跡今依然又聞西樵突兀出海

底驚瀑下與洪波連程子亭亭秀南海結廬正在

羅浮巔金橙桂子散秋色瓊瓏萬樹搖風煙濯髮

欲泛溟渤去讀書自抱雲霞眠一朝上書動天子

上林筆札人爭傳山鬼窈窕歲旣宴翩然挂席滄

江邊七載相思一傾倒雄談岸憤如飛泉我今荷

衣正憔悴有文百軸誰當憐即君聲名滿天下短

褐徒步猶迤邐吁嗟乎男兒結交貴意氣錢刀馳

逐胡能然何當從君羅浮乞數椽共卜茅茨傍花

首青羊作御時周旋

苦寒行

遠遊漁陽城飲馬滹沱河朔恒苦寒日夕風鳴  
悲悲風起廣塗霜霰凋人衣欲渡川無梁層冰何  
壘壘鳴梟鳴枯楊豺虎交路衢深谷多猿獠得食  
歡相追我行歲既宴十步八九迷他鄉少親故相  
逢知是誰憂愁鑠肌骨自顧顏鬢衰俛眎飛蓬根  
隨風時轉移我獨久伊鬱歲暮空徘徊寄語後來  
人遠遊不如歸

梁曰緝為言輞川雪中之遊

少志愛山水夢想懷藍田終南西峰下水石餘清  
妍憶昔維摩詰于此曾挂冠揮手謝時輩草堂常

三五四三

漁洋詩卷四

五

晏眠輞水遶舍下湖光明雲端繩牀間藥鎗清齋  
日蕭然春鷗漸矯翼夏木紛緜芊時尋明僧會自  
泛湖中船歎息古人沒風物隨變遷仙令妙文筆  
慨然追昔賢積雪曜巖阪秀色曖林巒數里入谷  
口石流已濺濺水鳥相哀鳴雙坵邈人煙却登華  
子岡輞口猶淪漣花竹散已久亭館供諸天王裴  
杳千載丘壑亦凋殘來者復為誰斯言良足歎

慈仁寺雙松歌贈許天玉

我昔登泰山舉手攀秦松東南雲海幾千里夜懸

日氣開鴻濛山人出山已三載復見金元雙樹在  
攫須石骨青銅姿古貌荒唐閱人代長夏蒼蒼秋  
氣深風來絕澗蛟龍吟仙人五粒不可見但有玄  
鶴飛陰森蚴蟻詰屈宛相向千曲盤拏氣初放一  
任支離拔地生邠須天矯排雲上我來高枕石壇  
邊耳畔往往聞驚泉白日沈沈不到地颯然雷雨  
生空天煙色欲暝鐘復起雄談岸憤波濤駛千秋  
萬歲知者誰閩海奇人許夫子

吳六益東鹿歸有詩見懷賦答

吳郎四月滹沱去破帽高吟白日暮紫荊關前古

漁洋詩卷四

六

戰場石帥當年鬪爭處滹沱之水東南流黃沙慘  
淡天風秋杜陵老子好痛哭誰道西梁非壯遊

劉石潭舍人為書古詩十九首作歌

昔有羽人王次仲始變古隸遺秦皇鴻濛不復蒼  
頡必至今二翻猶昂藏東京之末誰擅場仲將筆  
法傳中郎中朝風流逮江左千秋此道歸鍾王唐  
宋元明歷千載吾子突起雄豫章寵壁往矣誰雁  
行孟津大名動天下偏師摩壘來相當方今天  
子好文藻蘭亭古本千金裝羨君高步登明光御  
屏一灑十萬字公卿動色中書堂玻璃妙硯犀象

管賜來天上神飛揚三年一別顏色改重逢燕市  
多感傷請君爲寫十九首雲鴻天際紛翱翔辰韓  
白唾玉爲色上黨碧松蘭作香雞林重價購不去  
光華夜夜騰空囊酒酣更乞寫三百直將筆力窮  
周商

都門竹枝詞八首

都人夾道看龍旂戰士投戈盡錦衣更道縣官新  
賜第東華門外義王歸

京師土脈少甘泉顧渚春芽枉費煎只有天壇石  
甃好清波一勺買千錢

漁洋詩卷四

七

西勾橋上月初升西勾橋下水澄澄綺石迴廊都  
不見遊人還問米家燈

端陽躡柳足歡娛霧縠新裁勝六銖愛傍橫塘不  
歸去拔釵親市七星魚

曾向西山見蹙凌于闐白玉色峻嶒櫻桃已過茶  
香減銅盆聲聲喚賣冰

玉水輕陰夾綠槐香車筍轎錦成堆千錢更賃樓  
牕坐都爲河邊洗象來

煙柳濛濛蔽狹邪春衣不見浣輕紗松江大布鴉  
青色結束今年異內家

七夕針樓看水痕家家小婦拜天孫明朝得巧拋  
針線別買宣窰蟋蟀盆

十五夜與茗文周量天玉妃瞻遠侯家兄北

山坐雙松下待月作

今夜碧天月何似山中時山中流泉動石壁飛灑  
萬古青松枝醉聽泉聲臥松杪起當山月吹參差  
自遊京洛忽徂夏山人怪我歸何遲玉壺有酒更  
嘉客良夜爲君斟酌之螢火流光出深殿仰看星  
漢光離離眼前松月況如此散髮從君歌采芝

洗象行

漁洋詩卷四

八

三五五十一

水關蒼蒼柳陰碧寶馬流蘇紛絡繹日中傳呼洗  
象來玉河波射珊瑚赤須臾鉦鼓干雲霄萬夫聲  
寂如秋宵虎毛蠻奴踞象頂丘山不動何岩堯岸  
邊突兀二十四直下波濤若崩墜縱橫欲蹴元龜鼉  
宅騰踏還成鵝鸛隊乍如昆明習鬪戰萬乘旌旗  
眼中見又如列陣昆陽城雷雨行天神鬼驚奴子  
湖旋氣道壯忽沒中流狎巨浪撇波一躍萬人呼  
幡然却出層霄上今年宰相收夜郎扶南盤況求  
王章遠隨方物貢天闕屹然立仗金階旁聖朝自  
不貴異物致此亦足威遐荒黃門鼓吹暮復動海

立山移呼浩洵大秦師子多威神山林豈是天家  
珍

武部拜椒山先生祠二首

祖德靈長日孤臣報國年九原終不死兩疏到今  
傳異代還祠廟明神儼豆籩關西二夫子家學仰  
前賢

今皇崇氣節隔代復旌忠

順治十二年以表  
忠錄頒賜羣臣

斧鉞文章

氣丹青社稷功君臣存世廟禮樂續關中

公從苑洛  
先生學樂

律  
再拜生遙慨松陰起暮風

題趙雪江仿摩詰羣峰飛雪圖

漁洋詩卷四

九

寒色冥冥下巖壑千峰萬峰雪初落瀑布無聲溪  
澗凍紅樹微茫敞孤閣閣中有客方緼袍當杯氣  
與蒼山高遙看飛鳥落何處如聞落木鳴東臯崖  
橫路斷少人跡稍見老樵下巖隙高低遠近一溪  
通晦明合沓千重隔右丞昔日居藍田山水落筆  
窮自然雪岡漁市盡高妙灤瀨鼓湖紛眼前此圖  
曾入宣和譜董巨荆關焉足數兵火相尋六百年  
玉躡金題幾更主雪江老筆妙入神臨摹古本幾  
亂真即教唐宋多能手未必常逢如此人

傅侯天馬歌

傅侯天馬身八尺風髮卓立雙瞳方赤毛朱翼信  
龍種神姿磊落形昂藏來從流沙涉西極玉山之  
禾偶棲息意氣生能輕虎兕驍騰未屑循羈勒四  
蹄烏爪如鋼鈎經過千里風颼颼虎身壯士控不  
得仰視閭闔浮雲愁昔日湖南始征戰軍中驕騶  
號百萬此馬振鬣始一鳴歛如天上驚雷電一從  
罷戰歸中原三年不復從橐鞬漁陽落日下白草  
壯心更欲窮河源安得此馬飛上天不煩萬里遮  
窮邊即看郊祀陳天馬何減登歌太乙年

病中問張友鴻疾兼索作畫二首

漁洋詩卷四

十

茂陵消渴近何如聞道文園尚著書今日招提風  
雨裏却因多病感離居

長松冷雨閉禪關咫尺空亭隔往還欲乞斷紈三  
四尺李成煙樹郭熙山

息齋夜宿卽事有懷故園

夜來微雨歇河漢在西堂螢火出深碧池荷聞暗  
香開窻鄰竹樹高枕憶滄浪此夕南枝烏無因到  
故鄉

雨甚訝士過宿慈仁夜話懷黃雲孫

蕭寺經過少清宵獨汝留長松多送雨新雁漸橫

秋慙慨仍談劍淒涼各飯牛江南垂釣者應在白蘋洲

七夕三首

漸覺清商至天涯始欲愁悲歡當七夕離別入三秋玉塞征夫笛明河少婦樓相思千萬里消息望刀頭

故國秋風裏頻年樂事多雲中思羽翼花底見星河尺素鄉關渺涼砧御苑過含悽對流景飄泊奈愁何

菡萏沈秋水金塘花欲稀有情悲綺節無路問支

三六十一

漁洋詩卷四

十一

機望遠思空劇經秋顛屢違月明烏鵲去好向故園飛

慈仁寺秋夜懷舊

旅病蕭條繡佛前雲山濃淡欲寒天夢回却憶湖南寺暮梵晨鐘已十年

懷家兄西樵海上

司馬橋邊柳寒條送遠行三年鄉思苦千里別魂驚暮雨連東海秋風下北平輞川兄弟好飄泊負平生

秋思

女郎砧動夜冥冥桂樹浮香滿後庭  
紈扇辭人驚  
隔歲銀河映戶感雙星  
紅蕉結恨秋難盡  
白露迎寒晚  
易零憶得中宵千里夢  
依然留劍武安亭

鄒能弘還廬陵寄評韞退

聞道廬陵縣雙流直到門  
江山紛近郭  
筍橘散沙村  
風土詩應美  
艱危道更尊  
螺川歸擢遠  
愁思與誰論

奉東念東少宰

公學養生術  
又研精內典

貞白山人少宦情  
挂冠久欲厭承明  
清泉白石常經眼  
絳雪丹砂苦未成  
閉戶自歌招隱士  
長齋真

漁洋詩卷四

十一

奉古先生山中未必能過此  
何事東臯憶耦耕

抱琴歌

為麴生作

嶧陽之桐何泔泔  
緯以五絃發清商  
一彈再鼓儀鳳凰  
鳳凰不來兮我心悲  
抱琴而死兮當告誰  
吁嗟琴子當知之

中秋和米紫來韻二首

金波午夜淨遙天  
宮漏迢迢霽景鮮  
江左清才希逸賦  
南樓佳興庾公年  
廣庭色亂嬋娟竹  
芳榭塵生大小絃  
從此驚心掩空篋  
誰憐紈扇影踰躔

千里相思共月華  
西園清夜賦丹霞  
漢庭露下仙

人掌銀漢光連帝子家倦客臨風悲越鳥寒鐘薄  
暮急宮鴉明河一望秋如水今古虛傳漢使槎

憫忠寺弔宋謝文節公

勤王信州兵賣卜建寧市一片曹娥碑墮淚女兒  
子

贈別張友鴻吳六益

歸客思江南雲帆向空發朝看三河雲暮指九峰  
月九峰歷歷泖湖旁西風蕩紫鱸魚香故人京洛  
一回首歲晏江湖空斷腸江北江南幾千里別夢  
迢迢隔煙水符后城邊花欲闌華亭谷口鴻初起  
鴻鴈乘春漸北飛天涯書信到應稀端居若憶同  
袍子一問山中蘿薜衣

別許竹隱

鴻雁紛飛蘆荻深江城歸暮急寒砧洞庭一帶秋  
光好爲報家人掃橘林

歸次涿鹿賦別亦世還漢陽兼寄懷人二首

烏衣門第舊諸王惜別驚心道路長燕市酒壚三  
日飲楚人杜若九秋香漳臺暮雨悲銅雀漢口晴  
山指鳳凰寄評庾公樓上月幾人清興踞湖牀

十載人傳入洛名顧廚高譽滿東京清流盡識煙

波里倦客初歸故郢城楚塞雲山秋遠近江樓玉  
笛夜淒清漢陰何日同真隱目斷晴川萬古情

贈別汪同年

淡淡長江水蕭蕭楓樹林楚山千萬里朝暮有猿  
音坐惜芳菲晚將悲年鬢侵晴川指黃鶴逸興渺  
登臨

初望見歷下諸山

行人千里發燕關衰草平蕪黯旅顏十萬芙蓉天  
外落今朝真見濟南山

樂口

漁洋詩卷四

十四

樂口千家聚煙波遠近村沙鷗飛水市石瀨到閒  
門山翠曉將滴蘋香秋正繁臨流魚鳥興瀟灑獨  
開樽

華不注

天半落空青孤峰削翠屏雲霞紛罨靄洞壑秘神  
靈弔古思仙擢探奇驗水經登臨近重九風日接  
滄溟

泛錦秋湖二首

逸興愛秋水孤帆凌暮寒江湖多素侶飄泊任漁  
竿易盡郢筒酒難忘楚澤蘭花山青十里落日放

篷看

白鷺可憐色翩翩過稻陂  
荻花經雨落楓響入秋  
悲信美真吾土新涼況水濱  
西勾橋上月應繫故人思

向在京師掛  
游海淀不果

宣和御墨枇杷圖歌

盧橘蒼蒼橫幹起故印依稀識  
天水煙枝兩葉不關愁慘淡  
如披靖康史宣和文物劇風流  
繡褫錦罽窮千秋畫學歲收五嶽  
觀圖書盡識太清樓盛衰轉瞬  
如飛電牟駝岡上紛刀箭紫筠  
花木摧為薪西風落日青城殿  
此本流離出禁庭過江千載歎  
飄零昔日興亡如在眼還同麥  
飯哭冬青

三五十六

漁洋詩卷四

十五

懷于大下第遊江南

含悽去京國歲暮復南征  
風俗收吳橘騷歌弔楚蘅  
空江白石壘殘戈赭圻城  
迢遞梁陳事相思百感生

采蓴曲四首

湘湖雉尾蓴鄧支馬肝石采蓴  
作莼羹底用作方

伯

不食上湖苻但采下湖蓴  
綠流擢歌去西風愁殺

人

采蓴臨淺流采蓮在深渚歡似蓴心滑那識蓮心苦

莼絲何纏絲柔白勝玉臂持作千里羹朝朝下鹽豉

明湖北渚亭眺望有懷海石公廩君房聖企  
聖美仲孺諸君

木落氣蕭瑟澄湖秋始波臨流悲帝子眇眇奈愁  
何吟憶湘纍怨行聽漁父歌深淵思結網高翼愧  
張羅絲柳經寒少香蘋拂櫂多風期隔朋侶雨散  
邀關河灑酒龍山石吾將買釣蓑

漁洋詩卷四

十六

即事作二首

草堂殘雪後不出系南村暮鳥常穿屋寒家少候  
門讀書暮終古養疾樂丘園頽已慚通隱浮沉莫  
更論

二十偶通籍三年歸舊林聊知返初服豈敢謝朝  
簪邈跡思壺口忘機憶漢陰終當與嘯父天路試  
相尋

讀史雜感八首

王謝烏衣六代同名家龍虎盛江東可憐東邱壘  
輿出僕射終當愧侍中

過江名義共推袁，宋室孤臣念愍孫。  
千古銷魂石城曲，司徒家世本陽源。

鑿地蓮花映雉頭，却忘鼙鼓下荊州。  
白門一決須臾事，枉向宮中拜蔣侯。

結髮從戎老戰爭，揮鞭立就十三城。  
涼風堂側桃枝戲，絕勝平陽九道兵。

江陵士馬控西疆，坐使吹脣沸建康。  
湘土尋戈同氣盡，却教韋粲死青塘。

殿中擁檠唱無愁，江左重開南豫州。  
十萬敵軍齊北哭，至今淝水不曾流。

二九二

漁洋詩卷四

十七

汾上軍書夜刺閨，天池較獵未言歸。  
不愁粉鏡忽忽去，更語官家殺一圍。

芳華苑裏奏名倡，積翠池邊舍利裝。  
行得魚龍新散樂，大家恩賜學曹王。

郊園見梅懷周量

殘臘郊園路，行吟感病身。  
花開湖上雪，春憶嶺南人。  
風物添愁劇，江山入夢新。  
梅關千萬里，相望一

霑巾

雪後答東癡見憶之作

昨夜東臯雪，憑誰問隱居。  
不知高臥者，歲杪意何

如井邑頻憂稅溪山早著書因垂楚蘭咏吟望一  
愁予

送丘海石令高要

少日千夫敵中年萬里行春風江上擢花事嶺南  
程翠羽晴波媚楓香暖樹生遠遊當叱馭百粵已  
銷兵

歲暮寄家兄

何氏江東隱人稱大小山悔從州府辟空憶薜蘿  
間姓字曾驚坐風塵各抱關歲華看又暮東望淚  
潺湲

帶經堂集卷五

歙門人程哲校編

新城王士禛貽上

漁洋詩五 已亥稿

三月大雪

風光連上已急雪忽霏霏欲伴桃花發真兼柳絮  
飛再駭天外戎馴象日南歸咫尺條風令春和顛  
豈違

雪後懷家兄二首

竹林上斜照陋巷無車轍千里暮相思獨對空庭  
雪

二五廿一

漁洋詩卷五

別緒隨潮水潺湲日夜流東風如有便遙寄海西  
頭

懷桐實客鄴

鄴下山河美頻年感廢興秋風渡漳水斜日弔韓  
陵四代浮雲過三臺古木增論才公讌後君得似  
崔陵

別麻城萬大屏秀水楊勝林

別鶴念湖海離羣秋夜心風聲鄭口暮江色禦亭  
深去路分吳楚相思各滯淫關門今夕雨蕭颯動  
寒砧

廣固懷古

夕陽遙指慕容城亂後春田半廢耕峴口似聞迎  
晉騎洛陽無復下秦兵金刀玉壘千秋淚鐵馬銅  
駝萬古情若向秣陵尋舊蹟琅琊邸第草痕生  
得海石山中書時遷高要令不赴

夕陽下西南琅琊杳何處聞君頗學道山中樂遲  
暮松窓讀書開禪堂飯僧住蒼蒼鐘磬音渺渺漁  
樵路柴門三日雪不辨原上樹斷雲南山來時過  
北山去閒尋盧敖隱遠躡僧紹步旣愜躬耕懷復  
抱臨深懼如何嶺頭人冥行畏多露

漁洋詩卷五

二

題天然道人院用韋公義濱法師西齋韻

到來澗聲小寂歷聞初磬嘉樹帶修廊蕭然悅幽  
性香散維摩室日入采樵徑相對坐忘言徘徊遠  
天暝

臨淄懷古

臨淄佳麗古名都萬戶凋殘半有無碧草淒迷故  
宮廢青山迴合女牆孤爽鳩世遠餘荒碣戲馬人  
空失霸圖龍女祠前春水闊東風如舊遶平蕪

法慶寺閣上望雲門山

祇園有珠閣高出碧林端落日眺平楚青山生暮

寒歸雲天際去遠樹坐中看今夕雲門月無人照  
戒壇

與洞門別二首

齋堂夕鐘罷衆鳥歸飛急相送虎溪頭徘徊仍佇  
立

苔色砌邊合禪扉林下開誰能伴都講獨有許詢  
來

即目

蒼蒼遠煙起槭槭疎林響落日隱西山人耕古原

上

夜經古城作

我行牛山下寒墟帶平楚不見齊王宮空城半禾  
黍疎星耿不明白楊夜深語

大理石屏歌為少傅劉公賦

少傅堂中蒼石屏疎峙嵯峨高七尺黝質離離光  
可鑑六月蒼茫起寒色洞壑窈窕冰雪生峰巒槎  
枒雲物積空中瀑布遠欲飛檐前雨電晴相射坐  
來恍忽秋天高廬霍千峰在几席我公家近三神  
山麗農方丈環青碧黃扉坐論方促膝却有閒情  
寄泉石即今天威播南詔爨魃昆明盡重譯點蒼

山色碧雞雲移來天闕辭荒僻由來漢相最承恩  
中書直取屏風隔

南園作二首

曉起思園林昨夜西堂雨負杖眺前山初陽散平  
楚淶池萍始合芳樹禽交語庭戶寂無人慨焉念  
終古

夜雨雜花落衡門綠苔生誰能捉坐席共作林下  
行圓荷舒午景茂林含夕清歸禽赴斜照稅駕此  
山楹

南園池上

涵洋詩卷五

四

清言不覺暑纖月生西林苔徑少塵色夜猿清道  
心漁樵晚多侶風壑靜同音會學涓高術陰潭鳴  
玉琴

得王振嶽柳公窪柏君房書及曾道扶過清

源見寄之作

故人杳何許居處爽清漳西望雲山遠東風春草  
長素書勞驛使別語憶河梁千里駕湖水應同明  
月光

南園水亭即事懷先祖方伯公

公自號明農隱士

三月風亭上林深鳥語繁山雲遙變夏水草靜當

軒昔日東山隱明農此灌園風流不可即流歎滿  
丘樊

送胡端孩赴長沙

青草湖邊秋水長黃陵廟口暮煙蒼布帆安穩西  
風裏一路看山過岳陽

十載

十載華陽路天心厭枕戈魚鳧天險絕龍鶴戰聲  
多棘女能巴舞賓人解漢歌梁州師旅勁即次近  
岷峨

雨夜與禮吉子側共宿

漁洋詩卷五

五

高館多梧桐微雨飛向夕清談不能寐入夜轉蕭  
索餘香歇幽幌暗蟲響堦石夢破忽沉吟悵然赴  
鄉客

魯連陂

不作平原客終成蹈海名至今天下士猶說魯先  
生

清涼寺

朝日出浦口遙見清涼寺深竹不逢人經聲在空  
翠

諸葛武侯廟

不見錦官城猶聞蕩陰里蘆荻夕陽中空祠映寒水

鵝鴨城

鼎傳是慕容城殘荷沒碑影復道阿超年金鷺記元

錦秋亭

蘇公不可見湖水猶今昨斜日古亭間水花自開落

寄廬山靈道人越中

遠攜瓢笠去羅浮開社東林幾度秋冰雪晝聽三

峽水雲霞春眺九江流散齋鷓下香臺暝咒盜龍歸曉殿幽何日西來華頂鶴遺民相待虎溪頭

阻雨望醴泉寺用昌穀韻

誌公飛錫處巖壑至今深渺渺青山路蒼蒼修竹林法雲懸瀑影幽鳥亂泉音自歎塵中駕空勞出世心

旅舍見新燕

野店官橋路深春乳燕飛豈知人事改猶向社前歸林木巢非舊雕梁頽竟違舊家王謝在漂泊惜烏衣

題高蘇門集

我愛蘇門子風流軼昔賢躬耕汲水上薄宦楚江  
年五字追陶謝千秋過鄭邊如鸞清嘯遠遺韻至  
今傳

題徐迪功集

昭代嬋娟子徐卿雅好文稱詩如典午譚藝似參  
軍漢落雲霞質飄搖鸞鶴羣祇應禹洞裏靈蹟待  
夫君

寄董樵

聞卜崑崙宅棲遲歲幾更人煙分蜃影海嶠出秋

云五三

漁洋詩卷五

七

晴島屋閒垂釣山田晚罷耕多君離亂日白社獨  
逃名

寄東癡

與君西山時禪宇何妍雅珍木羅幽軒清溪照涼  
夜月明登高臺千峰宛階下棲禽竹中鳴飛泉壁  
間瀉一別柴桑遊常思遠公社

淀中行憶故園湖居二首

金剛堰上水平沙居士祠前白蕩花画楫短蒲微  
雨裏多將龍具上漁槎

貝丘城外晚煙圍沙燕鷓鴣作隊飛漁父唱歌天

際去遊人簫鼓月中歸

對雨感懷

青春復行役望遠益愁心  
搖落悲身事蕭條念故  
林明燈惟對酒寒雨易  
霑襟誰念關門客依依  
莊  
鳥吟

雨次鄭州

薄暮虞丘道煙波清淺流  
溼雲低去鳥寒雨凍眠  
鷗歲月高堂思關河獨  
夜愁何當脫塵鞅行矣  
任  
歸休

雄縣二首

漁洋詩卷五

八

暮雲沙磧路驅馬獨行吟  
落日雄關險悲風易水  
深天低圍朔漠地古界  
遼金百戰黃圖盡蕭條  
榆  
樹林

慘淡幽并色雄圖果壯哉  
六羸分帳出萬騎射雕  
來上谷風沙晚漁陽鼓  
角哀太平須士馬突兀  
羽  
林材

讀甯益賢近詩示劉大公戡二首

甯是公  
戡外甥

劉家兄弟美無倫公子芳  
蘭佩正新嘗憶荀陳風  
味好清流真見潁川人

劉生絕似柳文暢清晝  
撫琴松下眠復有賢甥  
理

高咏時聞風雨落秋天

評公賦慈仁寺寓并示益賢二首

窈窕禪宮掩雙松歲月深披衣聞石瀨晏坐理朱琴湖海三年別雲霄萬里心舅甥王衛似相對發

高吟

衛洗馬是王武子甥

聞汝西湖上風流繼往賢林園清潁尾賓客朗陵年柳蔭移珍簟荷香擢酒船即今共搔首悵絕蘄門天

戲為周量題畫短歌

龜茲蒲萄新吐蔓青州來禽色凌亂木瓜冰桃紛

漁洋詩卷五

九

錯陳妙筆何來眼中見我客漁陽別舊山千林垂實夢中攀高堂絹素生秋色苦憶田廬未得還

與周量過訪苔文夜雨共宿

故人千里別春草萋已綠相思南雲端目盡東海曲復作帝城遊乘暇慰幽獨入門涼蟬鳴中庭多嘉木石徑生積陰蒼苔宛山谷坐久微風來雨聲雜深竹共有滄浪興復縱青山目良會誰能常今宵得同宿

送許源仲赴太平

天門南下楚雲東擊楫初乘破浪風郡閣三春收

鶴毳人家百里挂魚筒江頭白紵思桓武郭外青山識謝公猶有吳波亭上月流光不隔與君同

無題四首

聞道盧循衆長驅薄五湖戎增新北府烽急古南都  
都艦艤遙連越輸供本在吳上游須早計還見士  
行無

幕府山頭望蒙衝雜羽旗大桁當晝閉飛檄入秋  
馳淮海方酣戰荆襄正濟師昆明新露布消息動  
江渚

不識舟山險驚濤過海門射陂新戰壘滄瀆舊營

二方五字

漁洋詩卷五

七十一

屯犀兕迎秋銳蛟龍入夜喧即聞傳禁旅組練出  
中原

天斬襟喉重淮揚數郡開北流通汴泗東望達膠  
萊置瓠連營地沉旂決勝才何當報三捷追北越  
王臺

與茗文

執戟為郎日離居臥病年鄉心禹洞水歸夢太湖  
田抗跡思霞表含香且日邊終期吳市隱廡下接  
高眠

帶經堂集卷五

十一

漁洋詩卷五

十一

期限表

251 (20) 10.7

天津市人民圖書館

